

Besser wöhr et schon - BAP

Quelle und Übersetzung: www.bap.de

1) Et weed enger, dat weiß mer sick Johre.
Dä Jan hätt och jetz sing Arbeit verloore.
Hann ich doch jesaat, lang ess ussjemaht
dat die ir'ndwann, övver Naach, zomaache un dat woor't dann.

2) T'ess övverall su, ir'ndwie dä Wahnsinn.
"Weltweite Krise ! ... ", künnt jet draan sinn.
Ech, ich weiß nit, wodraan et litt,
wer et dann nu woor, wer die Kaar'n der Dreck kutschiert hätt.
Oh, Mann, wie lang gläuvte mir dodraan,
dat die Chefetage do noch für uns draan driecht.
Wer weiß, ahm Engk wöhr dat nit passiert,
hätt sich unsereins ens fröh jenooch jewehrt.

Refrain:

Besser wöhr et schon,
et möht sich bloß ens wer bemöhe.
Besser wöhr et schon,
wiesu jraad ich ? Ich hann zo dunn.
Besser wöhr et schon,
doch wat ess hück schon noch wie fröher?
Besser wöhr et schon
nur, wie jesaat: ich hann zo dunn.

3) O.K. Mann, mer will jo nit klaare.
Nä'm Ähnz, Mann, et ess zo erdraare.
Schad eijentlich, wat et Tanja un ich
uns sick'e paar Johr alles en de Hoor jeschmiert hann!
Oh, Mann, hätt ich bloß noch ens die Chance,
wenn du wöss, wie't Tanja mich ens fasziniert hätt.
Wer weiß, ahm Engk wöhr dat nit passiert,
hätte mir uns mieh fürnander intressiert.

- Refrain -